



MEĐURELIGIJSKO VIJEĆE U BOSNI I HERCEGOVINI  
MEЂURELIGIJSKO VIJEĆE У БОСНИ И ХЕРЦЕГОВИНИ  
*Interreligious Council in Bosnia-Herzegovina*

## **PRIRUČNIK ZA MALE GRANTOVE**

Načela za dodjelu bespovratnih sredstava (grantova)

## Sadržaj

Lista skraćenica	3
O projektu	4
Dodjela malih grantova u okviru projekta SID	5
Metodologija raspodjele malih grantova	5
Prvi korak - Kriteriji za dodjelu malih grantova	5
Uvjeti/Kriteriji za diskvalifikaciju:	5
Uvjeti:	5
Kriteriji za diskvalifikaciju:	6
Posebni kriteriji za dodjelu malih grantova	6
Profil ciljane populacije mladih	7
Posebni kriteriji za dodjelu malih grantova za potporu mladima	7
Profil ciljane populacije žena	8
Profil ciljane populacije žena obuhvaća:	8
Posebni kriteriji za dodjelu malih grantova ženama	8
Drugi korak – Objava javnog poziva	9
Smjernice za izradu poziva za dostavljanje prijedloga projekta	9
Treći korak – Dostavljanje projekata	9
Četvrti korak – Odabir projekata	10
Peti korak – Praćenje i izvještavanje	11
Šesti korak – Zatvaranje malih grantova	11
Čuvanje dokumenata	12
Sukob interesa	13
Lista priloga:	13

## Lista skraćenica

SID – Strenghtening Intereligiuos Dialoge (Jačanje međureligijskog dijaloga u BiH)

BiH – Bosna i Hercegovina

CSO- Burau for Conflict and Stabilization Operations

VZ – Vjerske zajednice

KC – Katolička crkva

IZ – Islamska zajednica

SPC – Srpska pravoslavna crkva

JZ – Jevrejska zajednica

CRS – Catholic Relief Services

IO – Izvršni odbor

MRV – Međureligijsko vijeće BiH

Odbori – lokalni odbori za međureligijsku saradnju

NVO – Nevladine organizacije

OPZMG- Otvoren poziv za male grantove

## O projektu

Međureligijsko vijeće u Bosni i Hercegovini (MRV) objavljuje javni poziv za male grantove za 15 odbora MRV-a. Mali grantovi će se dodjeljivati na temelju prijedloga za promociju međureligijskog dijaloga koje odbori dostave. Aktivnosti koje će se podržati kroz male grantove omogućit će vjerskim službenicima da rade zajedno sa ženama i mladima u svojim lokalnim zajednicama te da jačaju međusobne odnose. Međureligijsko vijeće će ovaj priručnik za male grantove koristiti na nivou organizacije u svrhu objavljivanja različitih poziva za dodjelu i provedbu malih grantova.

Projekt pod nazivom Jačanje međureligijskog dijaloga u Bosni i Hercegovini (skraćeno: SID) ima za cilj unaprijediti međuetničku saradnju i osnažiti otpornost na etno nacionalističku retoriku i efekte etničke izolacije i segregacije. Međureligijsko vijeće (MRV) dobit će podršku za prenošenje pozitivnih, alternativnih narativa o uključivanju, uspostavljanje međureligijskog dijaloga i aktivnosti usmjerenih na izgradnju mira, naročito u zajednicama u kojima su prisutne tenzije. Projekt SID će ovaj cilj ostvariti kroz sljedeća tri podcilja: 1) MRV provodi uspješnu kampanju odašiljanja strateških poruka i povećava doseg svojih narativa o pomirenju, uključivanju i društvenoj koheziji kroz tradicionalne i društvene medije. 2) Veći stepen međuetničkog dijaloga i saradnje ostvaren kroz podršku tekućim aktivnostima MRV-a, naročito onim koje su usmjerene na mlade i žene. 3) Osnaženi administrativno- tehnički kapaciteti MRV-a i njegovih lokalnih odbora te uspostavljena trajna partnerstva sa zajednicama na pitanjima međureligijskog dijaloga i pomirenja. CRS, u saradnji sa Međureligijskim vijećem, provodi 18-mjesečni projekt koji je započeo u septembru 2017. godine. Kroz taj projekt MRV osnažuje svoje komunikacijske vještine i kapacitete te dobija alate i resurse neophodne za rješavanje najhitnijih izazova i problema, kako bi bilo u stanju poboljšati međuetničku saradnju i smanjiti etnonacionalističku retoriku koja zagovara podjele i koja može voditi ka nasilju i sukobu. Program se naslanja na četverogodišnje blisko partnerstvo između CRS-a i Međureligijskog vijeća (MRV), objedinjujući rezultate ostvarene u 15 odbora koji pokrivaju 17 općina i uključuje 70 ključnih osoba od utjecaja i 600 građana, žena i mladih, koji će raditi na ostvarivanju tri glavna cilja.

Projekt SID počiva na sljedećoj 'teoriji promjene': Ako vjerski lideri, žene i mladi koordiniraju svoje djelovanje s vlastima i drugim partnerima iz civilnog društva i ako organiziraju aktivnosti koje će dovesti do povećanja međureligijskog dijaloga i djelovanja u njihovim zajednicama i ako se ta saradnja i poruka MRV-a o socijalnoj koheziji i uključenosti strateški prenese širom zemlje, onda će se povjerenje i razumijevanje među građanima iz različitih etničkih skupina povećati, a time će se smanjiti rizik od ponovnog izbijanja etnonacionalističkog nasilja u BiH.

## Dodjela malih grantova u okviru projekta SID

Kroz projekt Jačanja međureligijskog dijaloga u BiH mali će se grantovi dodjeljivati za omladinu i žene iz 15 lokalnih odbora MRV-a, a u vezi s podciljem 2 - *Veći stepen međuetničkog dijaloga i saradnje ostvaren kroz podršku tekućim aktivnostima MRV-a, naročito onim koje su usmjerene na mlade i žene.* Mali grantovi će se koristiti za formiranje neformalnih grupa mladih aktivista na nivou lokalnih odbora. Te će grupe imati priliku da predlože nove male grantove i provedu aktivnosti koje će potaknuti međureligijske aktivnosti ili povezati različite religijske grupe koje će raditi na promociji međureligijskog dijaloga ili rješavanju utvrđenih problema. Vjerski službenici koji su članovi MRV-a (članovi lokalnih odbora) pomoći će da se identificiraju mladi i žene koji će sudjelovati u aktivnostima MRV-a na nivou lokalnih odbora. Ovim priručnikom definiraju se konkretni kriteriji za dodjelu malih grantova za mlade i žene kako bi lokalni odbori mogli podnijeti zahtjev za dodjelu bespovratnih sredstava.

U prosjeku će biti dodijeljeno 45 malih grantova od 2.283 KM za koje će se lokalni odbori moći prijaviti. Svaki će lokalni odbor provest najmanje tri granta. Aktivistice i mladi će provesti po najmanje jedan mali grant. O izboru ciljane populacije koja će provesti treći mali grant odlučit će lokalni odbori na temelju svojih preferencija i potreba njihove lokalne zajednice.

Ukoliko odbor procijeni da je projekat koristan za lokalnu zajednicu i promovira međureligijski dijalog, a izlazi iz okvira budžeta granta odbor takvom projektu može dodijeliti iznos sredstava trećega granta kako bi došlo do kvalitetnije provedbe projekta.

## Metodologia raspodjele malih grantova

### **Prvi korak - Kriteriji za dodjelu malih grantova**

#### **Uvjeti/Kriteriji za diskvalifikaciju:**

Sredstva će se dodijeliti putem malih grantova, na temelju odgovarajućih uvjeta, odnosno kriterija za diskvalifikaciju.

#### **Uvjeti:**

- Zahtjev za mali grant mora podnijeti odbor prema pravilniku o radu odbora i na temelju dobre prakse MRV BiH. Zahtjev za male grantove moraju podnijeti najmanje 2 osobe, koje čine grupu podnositelja zahtjeva za mali grant;
- Zahtjev za mali grant se odnosi na aktivnosti pozitivnog međureligijskog dijaloga i pomirenja;
- U realizaciji aktivnosti koje se finansiraju malim grantom sudjeluju različite crkve i vjerske zajednice;
- Zahtjevi za male grantove obuhvataju aktivnosti koje su usmjerene na promoviranje i poticanje međureligijskog dijaloga i izgradnje mira. Takve aktivnosti su dijalog,

zajedničke radionice o pomirenju ili zajedničke aktivnosti kojima se promovira međureligijski dijalog;

- Mali grantovi se realiziraju na teritoriji jednog ili više odbora/općina uključenih u projekt SID;
- Odbor, odnosno zajednica imaju korist od malog granta;
- Iznos sredstava koji se traži ne može biti ispod 2.283,00 KM niti više od;
- Mali grant mora biti izvodljiv u pogledu predviđenih sredstava, vremena i ljudskih resursa;
- Mali grant od 2.283,00 KM se realizira u periodu do maksimalno 45 dana;
- Ukoliko se spajaju dva granta period realizacije je maksimalno do 90 dana;
- Zahtjevi za male grantove koordinirat će se s članovima odbora, odnosno lokalnim vjerskim službenicima i dostaviti u pisanom obliku na na zvaničnu e-mail adresu MRV-a, ili putem pošte/faxa;

#### **Kriteriji za diskvalifikaciju:**

- Ako se malim grantovima podržavaju projekti koje su osmislile političke stranke u zajednicama;
- Mali grantovi koji pozivaju na bilo koji vid nasilja i diskriminacije i koji promoviraju zloupotrebu alkohola ili narkotika ili nezdrav način života;
- Plaće i naknade članovima grupe koje realiziraju mali grant;
- Doprinos za koordinatora projekta koji prelazi 10% ukupno dodijeljenih sredstava;
- Operativni i administrativni troškovi koji prelaze 10% ukupno dodijeljenih sredstava;
- Troškovi nabavke elektronske opreme (foto-aparati, kompjuteri, laptopi, kopir aparati, i sl.) u iznosu koji prelazi 30% ukupno dodijeljenih sredstava;
- Troškovi veći od 200 KM koji se ne mogu platiti putem banke; i
- Najam opreme (bilo koje vrste) od fizičkog lica.

#### **Posebni kriteriji za dodjelu malih grantova**

Međureligijsko vijeće u BiH bavi se međureligijskim dijalogom, kako na institucionalnoj razini tako i na razini ljudskih odnosa i izgradnje civilnog društva kroz svakodnevne aktivnosti međureligijskog dijaloga, a sve u cilju poštivanja vjerskih tradicija i struktura crkava i vjerskih zajednica. Primarna ciljna skupina MRV-a su ljudi koji vjeruju, odnosno koji svoj život i svjetonazor temelje na tradiciji svoje crkve i vjerske zajednice. Aktivni mladih i žena pri naših 15 odbora logično uključuju prije svega one žene i mlade koji su aktivni u svojim crkvama i vjerskim zajednicama te se tako na sasvim specifičan određuju svojom vjerskom pripadnošću. To ni na koji način ne znači da je MRV zatvoren za dijalog s onima koji se ne izjašnjavaju kao vjernici ili se

ne određuju svojom vjerskom pripadnošću. Međureligijsko vijeće otvoreno je za dijalog sa svim ljudima bez obzira na njihovu vjersku pripadnost, svjetonazor, klasni, etnički ili bilo koji drugi identitet ili pogled. Dijalog na institucionalnoj razini znači da MRV na svim nivoima djeluje prema principu zastupljenosti u BiH.

### ***Profil ciljane populacije mladih***

MRV će se fokusirati na mlade dobi od 15 do 30 godina, s određenim odstupanjima u pojedinačnim slučajevima.<sup>[1]</sup> [1] Međureligijsko vijeće će koristiti sljedeće kriterije za odabir učesnika:

- Spremnost na saradnju s omladinom iz različitih vjerskih zajednica;
- Interes za volontiranje i rad u zajednici;
- Spremnost za sudjelovanje u procesu pomirenja i izgradnje mira;
- Aktivno učešće u svojim vjerskim zajednicama; i
- Spremnost za učenje i provedbu aktivnosti vezanih za male grantove.

Nadalje, lokalni odbori MRV-a će predložiti sljedeće mlade osobe na temelju profila ciljane populacije mladih:

- mladi koji su trenutno angažirani i prepoznati kao aktivisti u lokalnim odborima
- mladi koji su vjernici
- mladi koji iskazuju potencijal da postanu lideri u svojim zajednicama
- mladi koji bi se željeli više angažirati u međureligijskom dijalogu u svojim odborima i lokalnoj zajednici
- mladi u zajednici koji su zainteresirani da saznaju više o međureligijskom dijalogu
- mladi koji nisu upoznati s radom MRV-a

Mali grantovi će se dodjeljivati na temelju angažmana mladih u odborima i koristi za lokalnu zajednicu (Prilog A1: Poziv za dodjelu malih grantova za mlade)

### **Posebni kriteriji za dodjelu malih grantova za potporu mladima**

Posebni kriteriji za dodjelu malih grantova za potporu mladima dati su u Prilogu C1: Uputstvo za Komisiju za konačni odabir malih grantova za potporu mladima.

Posebni kriteriji za male grantove za potporu mladima:

- Predloženi projekt mora uključivati definiranu ciljanu populaciju mladih iz poziva za dodjelu malih grantova

---

<sup>[1]</sup> Određeni se odbori suočavaju s problemom migracije mladih i nemaju omladine starosne dobi od 15 do 30 godina koje bi mogli uključiti kao aktiviste odbora. U takvim slučajevima, u projekt će se pored mladih koji su stariji od 30 godina (do 35 godina starosti) uključiti i mlađe osobe (od 12 do 14 godina starosti).

- Predložene projektne aktivnosti moraju biti prilagođene populaciji mladih
- Predloženi projekt realiziraju mladi iz različitih vjerskih zajednica
- Predloženi projekt je primjenjiv i može se ponoviti u drugim lokalnim odborima
- Predloženi projekt promovira aktivizam mladih

### ***Profil ciljane populacije žena***

Mali grantovi za žene biti dodijeljeni u svih 15 lokalnih odbora. Vjerski službenici će predložiti aktivistkinje koje će aktivno sudjelovati u malim grantovima. Međureligijsko vijeće će učesnice birati na temelju sljedećih kriterija:

- Spremnost za saradnju sa ženama iz različitih vjerskih zajednica;
- Interes za volontiranje i rad u zajednici;
- Spremnost za sudjelovanje u procesu pomirenja i izgradnje mira;
- Aktivno učešće u svojim vjerskim zajednicama; i
- Spremnost za učenje i provedbu aktivnosti vezanih za male grantove.

### **Profil ciljane populacije žena obuhvaća:**

- žene koje su trenutno članice lokalnih odbora MRV-a i koje su prepoznate kao aktivistice unutar odbora.
- Žene vjernice koje su prepoznate kao utjecajne žene u lokalnoj zajednici, ali koje još uvijek nisu članice odbora MRV-a
- žene učesnice u aktivnostima odbora (okrugli stolovi)
- članice mreže žena vjernica

Mali grantovi će se dodjeljivati na temelju angažmana žena u odborima i koristi za lokalnu zajednicu (Prilog A1: Poziv za dodjelu malih grantova za žene)

### **Posebni kriteriji za dodjelu malih grantova ženama**

Posebni kriteriji za dodjelu malih grantova za potporu ženama dati su u Prilogu C2: Uputstvo za Komisiju za konačni odabir malih grantova za potporu ženama.

Posebni kriteriji za male grantove za potporu ženama:

U projekt su uključene utjecajne žene na lokalnom nivou

- Predloženi projekt uključuje definiranu ciljanu populaciju žena
- Predloženi projekt obrađuje teme koje su relevantne za žensku populaciju
- Predloženi projekt je održiv i može se primijeniti i u drugim odborima
- Vidljiva je korist za lokalnu zajednicu



## ***Drugi korak – Objava javnog poziva***

### **Smjernice za izradu poziva za dostavljanje prijedloga projekta**

Otvoreni poziv za dodjelu malih grantova za lokalne odbore MRV-a priprema Komisija za dodjelu malih grantova, a objavljuje se na internetskoj stranici MRV-a. Poziv za dodjelu malih grantova za 15 lokalnih odbora će biti otvoren od 18.06. 2018 do 08.07.2018. Poziv će po potrebi biti ponovljen u periodu od jula do septembra 2018.

Dokumente koji čine zahtjev za mali grant sastavit će komisija za dodjelu malih grantova na način da osiguraju kratak opis projekta, njegovog općeg cilja i podciljeva. Ovi će dokumenti podnositeljima zahtjeva dati potrebne informacije prije nego pristupe izradi prijedloga projekta.

Dokumenti koji čine zahtjev za mali grant sadržavat će detaljno uputstvo za podnositelje zahtjeva sa sljedećim informacijama:

- kratke informacije o projektu SID
- postupak podnošenja projektnog prijedloga sa smjernicama
- uvjeti za podnošenje projektnog prijedloga: eliminatorni i posebni kriteriji, rok za podnošenje projektnog prijedloga, kome i kada podnijeti zahtjev, razdoblje analize malih grantova, razdoblje objavljivanja rezultata i postupak žalbe
- unaprijed definirani obrasci za podnošenje zahtjeva za male grantove
- dokumenti koje je potrebno priložiti

Za oba će se projekta istovremeno objaviti po jedan javni poziv. Javni poziv će biti otvoren u tri ciklusa od kojih svaki traje 15 dana, a zahtjevi se dostavljaju u rokovima naznačenim u javnom pozivu.

### ***Treći korak – Dostavljanje projekata***

Poziv za dostavu projekata bit će objavljen na zvaničnoj internetskoj stranici MRV-a <http://mrv.ba/>

Poziv za dostavu projekata, koji se objavljuje na internetskoj stranici, sadržavat će uputstvo, savjete i preporuke o tome kako popuniti obrazac i koja sredstva se u tom smislu mogu koristiti. Obрасce za dostavu projektnih prijedloga za male grantove odbori mogu preuzeti sa internetske stranice i potom ih popuniti. U svrhu učinkovitije koordinacije malih grantova i dostupnosti svom osoblju ureda MRV-a, projektni prijedlozi za male grantove dostavljaju se na zvaničnu e-mail adresu MRV-a: [office@mrv.ba](mailto:office@mrv.ba)

Nakon što dostave svoje projektne prijedloge odbori će dobiti obavještenje putem elektronske pošte da su njihovi prijedlozi zaprimljeni (dostavljeni), a osoba odgovorna za tu e-mail adresu prijedloge će proslijediti koordinatoru odbora MRV-a i finansijskom analitičaru u centralni ured MRV-a. Po zaprimanju prijedloga koordinador odbora MRV-a i finansijski analitičar daju svoje

komentare na prijedlog u svjetlu diskvalifikacijskih kriterija koje dostavljaju odboru- podnosiocu malog projekta. Potom koordinator odbora MRV-a prijedlog dostavlja Komisiji za dodjelu malih grantova na komentare.

Komisiju za dodjelu malih grantova čine stalni i pridruženi članovi. Stalni članovi su: voditelj projekta SID, koordinator projekata MRV-a o jačanju međureligijskog dijaloga, finansijski analitičar i koordinator odbora koji je odgovoran za lokalni odbor. U slučaju kada je koordinator projekata MRV-a za projekat Jačanja međureligijskog dijaloga ujedno i koordinator odbora onda će u sastavu komisije biti i jedan dodatni član Sekretarijata MRV-a. Drugi članovi Sekretarijata prisustvuju radu Komisije i daju sugestije, operativne prijedloge u skladu s utvrđenim pravilima MRV-a u BiH (osobito poštujući temeljno načelo MRV-a: donošenje svih odluka po principu konsenzusa). U slučaju opravdanog odsustva nekog člana Komisije, odsutni član će unaprijed obavijestiti stalne članove Komisije o svom odsustvu i imenovati svoju zamjenu.

### ***Četvrti korak – Odabir projekata***

Svaki odbor može podnijeti zahtjev za mali grant tokom više ciklusa poziva za dostavu prijedloga projekata.

Postupak odabira se odvija kako slijedi:

1. Odbori dostavljaju svoje prijedloge elektronski, na zvaničnu e-mail adresu MRV-a
2. Koordinator odbora MRV-a i finansijski analitičar razmatraju prijedlog projekta u svjetlu kriterija za diskvalifikaciju, i ako nešto nedostaje, vraćaju prijedlog projekta odboru na dopunu
3. Koordinator odbora MRV-a prijedlog projekta dostavlja Komisiji za dodjelu malih grantova
4. Svi prijedlozi se razmatraju i po potrebi vraćaju na dopunu, a potom se ocjenjuju na osnovu posebnih kriterija
5. Svi prijedlozi se ocjenjuju u odnosu na standardne i jasno artikulirane kriterije

Postupak odabira odvija se u dva koraka: pred-selekcija i odabir. Pred selekcija prijedloga vrši se najdalje 5 dana od dana dostavljanja prijedloga od strane koordinatora odbora MRV-a i finansijskog analitičara. Po potrebi, koordinator odbora MRV-a će informirati lokalni odbor o promjenama koje je potrebno napraviti u prijedlozima i dati sugestije (sve u skladu sa metodologijom za dodjelu malih grantova). U tom periodu, ali najkasnije u roku od 7 dana od dana kada odbor dostavi dodatna pojašnjenja, koordinator odbora MRV-a će prijedloge projekata u pisanoj formi dostaviti Komisiji za dodjelu malih grantova na odobrenje. Odabir projektnih prijedloga vrši Komisija za dodjelu malih grantova najkasnije u roku od 5 dana od dana dostavljanja, koja će dostaviti svoja pitanja o dostavljenim prijedlozima na osnovu posebnih kriterija za male grantove za podršku mladima i ženama.

U cilju transparentnosti i standardizacije postupka odabira, sve odobreni grantovi će biti objavljeni na internetskoj stranici MRV-a. Odbori imaju pravo izjaviti žalbu u roku od 8 dana od dana objavljivanja rezultata.

Pravo na žalbu imaju svi učesnici u javnom natječaju koji, zbog bilo kojeg razloga, nisu zadovoljni svojom pozicijom na rang listi odobrenih bespovratnih sredstava (grantovi za mlade i žene). Žalba se dostavlja na službenu adresu MRV-a, a potom se prosljeđuje Izvršnom odboru na prvom narednom zasjedanju.

### ***Peti korak – Praćenje i izvještavanje***

Svaki je odbor dužan izraditi pisani narativni i finansijski izvještaj u skladu s rokovima koje odredi MRV (u svom mjesečnom izvještaju). Odbor koji podnosi zahtjev za mala bespovratna sredstva dužan je definirati u svom prijedlogu projekta način realizacije projekta (plaćanje troškova i provedbu aktivnosti).

MRV je odgovoran za praćenje projekta, a CRS u tom smislu može pružiti tehničku podršku. Realizacija malih grantova koje provode odbori pratit će se kroz:

- pregled dokumentacije (izvještaja, liste sudionika, fotografija i po mogućnosti finansijskih izvještaja)
- medijske članske objavljene u novinama, na portalima, priloge u emisijama ili na vijestima emitiranim na radiju i televiziji
- terenske posjete MRV-a i povremene posjete CRS-a u cilju praćenja aktivnosti koje provodi odbor
- obrasce o evaluaciji provedenih aktivnosti, gdje je to primjenjivo

Ocjena malih grantova će se provoditi u sinergiji s općim aktivnostima monitoringa i evaluacije jačanja međureligijskog dijaloga kako bi se izmjerila relevantnost u odnosu na projektne ciljeve i uočili rani znaci željenih utjecaja.

Odbori mjesečno izvještavaju centralni ured MRV-a o svojim aktivnostima. Odbori su dužni najkasnije 10 dana nakon završetka implementacije malog granta dostaviti narativni i finansijski izvještaj, neovisno od redovnog mjesečnog izvještaja o radu odbora.

### ***Šesti korak – Zatvaranje malih grantova***

Komisija za dodjelu malih grantova provodi završnu kontrolu malih grantova. Završna kontrola se provodi najkasnije 30 dana od završetka programa. Završnom kontrolom, koja podrazumijeva pregled kompletne projektne i finansijske dokumentacije i izvještaja o praćenju, utvrđuje se jesu li:

- odbori ispunili sve predložene i ugovorene obaveze
- ispunjeni svi finansijski zahtjevi
- provedene sve planirane aktivnosti
- projektne aktivnosti doprinijele ciljevima projekta jačanja međureligijskog dijaloga.

Prije zatvaranja bilo kojeg granta, Komisija za dodjelu malih grantova mora:

- pregledati sve finansijske i narativne izvještaje i potvrditi da su svi programski i finansijski izvještaji potpuni
- pregledati svu administrativnu dokumentaciju i provjeriti je li sve u skladu s finansijskim i narativnim izvještajima
- dati završne smjernice odborima u vezi sa otvorenim pitanjima utvrđenim tokom terenskih posjeta, u narativnim i finansijskim izvještajima

Odbori moraju:

- slijedite uputstva o postupcima vezanim za projektne aktivnosti i zatvaranje projekta
- Slijedite uputstva u vezi sa raspolaganjem imovine stečene o konačnom raspolaganju imovine stečene ili nabavljene kroz dodijeljeni grant u skladu sa zahtjevima.

Po uspješnom obavljanju ovih koraka, Komisija za dodjelu malih grantova zatvara grant i o tome obavještava odbore pravovremenim dostavljanjem pisama o zatvaranju.

Nakon zatvaranja, odbori su dužni:

- čuvati elektronsku verziju narativnog izvještaja dvije godine nakon njegovog podnošenja
- čuvati imovinu stečenu ili nabavljenu putem dodijeljenog granta
- dozvoliti pristup dokumentima ovlaštenim predstavnicima donatora i Komisiji za dodjelu u svrhu pregleda ili revizije.

## Čuvanje dokumenata

Odbori su dužni čuvati kopije svih programskih i finansijskih dokumenata najmanje 2 godine od dana izdavanja pisama o zatvaranju. Odbori će se, prema tome, obavezati da adekvatno čuvaju dokumentaciju, osiguraju transparentnost i ispravno dokumentiraju dokaze o svim troškovima nastalim u vezi s malim grantovima. Svi izvorni dokumenti čuvaju se u centralnom uredu MRV-a najmanje 3 godine nakon realizacije projekata finansiranih kroz male grantove. Komisija za dodjelu malih grantova će odborima pomoći oko potencijalnih pitanja koja se mogu pojaviti u tom pogledu.

Odbori su dužni voditi knjige, evidencije, dokumente i druge dokaze koji se odnose na finansijsku podršku. Odbori će čuvati kopije svih finansijskih evidencija, popratnih dokumenata, statističkih zapisa i ostalih evidencija vezanih za male grantove u skladu s općeprihvaćenim računovodstvenim pravilima. Centralni ured MRV-a će čuvati originale administrativnih i finansijskih evidencija o svim dokumentima koji se odnose na bespovratna sredstva u skladu sa svojim internim propisima.

Dokumenti koji se čuvaju u posebnim dosjeima za grantove – originalni dokumenti koji se čuvaju u centralnom uredu MRV-a, a čije kopije se u skladu s mogućnostima čuvaju u odborima:

- Potpisani zahtjev za dodjelu malog granta
- Odobrenje malog granta koji izdaje Komisija za dodjelu malih grantova

- Budžet bespovratnih sredstava
- Dokumentacija o grantovima
- Zahtjevi za izmjenu dodjele sredstava i izmjena
- Planovi rada i korespondencija u vezi s tim planovima
- Programski izvještaji i zahtjevi za pojašnjenje izvještaja, po potrebi
- Finansijski izvještaji, zahtjevi za pojašnjenja
- Zvanična obavještenje upućena odborima i odgovori
- Izvještaji s terenskih posjeta
- Izvještaji o zatvaranju projekata
- Izvještaji o obračunu PDV-a
- Dodatni dokazi o aktivnostima (npr. fotografije, radijski prilozi, video isječci, statistički rezultati ankete, korespondencija s relevantnim akterima, itd.).

## Sukob interesa

MRV zadržava pravo da tokom kontrole i realizacije bespovratnih sredstava istraži zahtjev ili grantove zbog bilo kojeg stvarnog ili percipiranog sukoba interesa. Zaposlenik MRV-a ili druge partnerske organizacije može biti u sukobu interesa ako on/ona ili druga osoba pod njegovom odnosno njezinom nadležnošću ima direktni ili indirektni, lični, finansijski ili neki drugi interes od ishoda postupka dodjele granta kao što su dodjela, izmjena ili prestanak granta.

U slučaju da MRV utvrdi postojanje sukoba interesa, Komisija za dodjelu malih grantova može diskvalificirati prijedlog projekta ili ukinuti dodijeljeni grant.

MRV ili druga partnerska organizacija koja prijavi sukob interesa zamijenit će se drugom osobom, o čemu se odlučuje u svakom pojedinačnom slučaju. Protiv uposlenika koji ne prijavi potencijalni sukob interesa može se pokrenuti disciplinski postupak, koji može rezultirati i ukidanjem granta.

## Lista priloga:

- Prilog A1: Javni poziv za male grantove za mlade,
- Prilog A2: Javni poziv za male grantove za žene
- Prilog B: Uputstvo za komisiju za male grantove za predizbor,
- Prilog C1: Uputstvo za Komisiju za male grantove za konačnu selekciju za male grantove za mlade,
- Prilog C2: Uputstvo za Komisiju za male grantove za konačnu selekciju za male grantove za žene,
- Nova aplikacija za male grantove.